



Claudii Fleurii Abbatis Historia Ecclesiastica

Ab anno Christi 1460. usque ad annum 1478

Fleury, Claude

August. Vind. [u.a.], 1768

VD18 90118332

§. 6. Procurator generalis constanter obluctatus

[urn:nbn:de:hbz:466:1-66459](#)

Sæcul. XV vocant, seu in Parisiensis territorii forensi
 A.C. 1467. curia, approbatas nullo negotio obtinuit.
 Ubi autem id ipsum in aula Parlamenti
 Balves confirmari petiit, Joannem a S.
 Romano, regium Curiæ Procuratorem,
 cuius nomen apud Historicos satis cele-
 bre est, suis consiliis adversantem reperit.
 Is enim forti animo sese opposuit, ne Re-
 gis literæ tabulis Parlamenti insererentur,
 ac Ebroicensi Episcopo, qui Regis
 nomine eidem minas, & muneris sui
 privationem intentabat, respondit: in
 arbitrio Regis positum est, ut me
 exuere possit officio, quod mihi con-
 tulit, quamdiu autem illo fungar, ni-
 hil, quod conscientiam meam lædat, aut
 in damnum regni cedat, faciam, at-
 que ideo nunquam legis adeo pruden-
 tis, sacrisque Ecclesiæ Canonibus conso-
 næ abrogationem ullo tempore admit-
 tam: potius tu ipse, utpote Episcopus
 totus deberes pudore suffundi, quod
 talia postules, eademque, ut deducantur
 a deffectum, tanto ardore urgere non
 dubites.

§. VI.

*Procurator Generalis constanter
 obliuſatus.*

Præcipuæ rationes, quibus Parlamenti
 Senatores ad tantam animi firmita-
 tem

tem compellebantur, ad tria restringuntur capita. I. Persuasum ipsis erat, abrogata Pragmatica, eo ipso in Electionibus veterem everti Ecclesiæ disciplinam simulque Ordinariis jus eligendi subtrahi, ac reservationes, gratias exspectativas, necnon & caussas in prima cognitione ad Romanam curiam evocandi usum denuo stabiliri: præterea Patronos ad Beneficia præsentandi, Ordinarios vero locorum beneficia conferendi jure spoliari: quibus omnibus Ecclesiam horrenda confusione involvi timebant. II. Credebant, Academias Viris ad explenda fori, & Ecclesiæ officia idoneis destitutum iri, eoque plures Regis subditi Romanam petituri essent, alii quidem ut Pontifici ab obsequio sint, & dignitatibus ab eo augeantur, alii vero ut Romæ Ministros agant, plurimi denique, ut sua negotia, quæ integros annos tenent, prosequerentur. III. Asserebant, quod, si abrogationis literæ ad acta referantur, omnis pecunia e Regno Romam deferretur. Verum cunctis hisce rationibus omnino rejectis, Rex sollicitante Ebroicensi Episcopo Procuratorem Generalem officio suo abire jussit. Habemus tamen ex Historiæ hujus serie, hunc a Rege majoribus auctum honoribus, semperque multum gratia & auctoritate apud eum valuisse.

§. VII.